

“ fectus es : ab irata illa ego, locum illius adepta, in ædibus tuis habitans,  
“ haud tolerata sum.

64. “ Quæ antea tuo favore feminis piis, quorum mariti a *Rákshasis*  
“ vexabantur, refugio eram, quomodo nunc, dum tu splendes, aliam femi-  
“ nam tutelæ caussa adire potero ?

65. “ Putasne me istius vitæ miseræ, quæ post æternam separationem a  
“ te inanis est, rationem esse habituram, nisi impediret me servanda pro-  
“ les tua, quam gesto ?

66. “ At ego, foetum enixa, oculis in solem defixis castigationes subire  
“ contendam, ita ut in alia certe vita tu meus sis maritus, nullaque sit sepa-  
“ ratio.

67. “ Classium atque ordinum protectio regis est officium, a *MANUE*  
“ præscriptum : quare ego, quamquam ita a te expulsa, tamen mulieris  
“ solitariæ instar respicienda ero.”

68. Cum *RÁMÆ* frater illius nuntium perferre pollicitus e conspectu ejus  
abiisset, *SÍTA*, calamitatis onere pressa, afflictæ agnæ instar gutture aperto  
ejulabat.

69. Pavones omittebant saltationes, arbores abjiciebant flores, capreæque  
gramina decerpta, atque in tota sylva, quæ in eundem ac illa dolorem de-  
jecta erat, vehemens audiebatur ejulatus.

70. Ad illam pervenit clamorem secutus vates, ad gramen sacrum ac  
ligna colligenda egressus, cujus mœror, cum avem a venatore percussam  
conspexisset, sub distichi forma erupit.

71. *SÍTA*, lacrymis abstersis, desistens a lamentatione, eum salutavit,  
atque vates, illius graviditatis signa conspiciens, filium ei precatus, sic  
locutus est :

72. “ Meditatione mea scio, a marito, falsas vituperationes extimescente,  
“ te esse repudiatam. Quare ne sollicita sis ; pervenies, O *VIDEHÆ* proles,  
“ ad patris ædes, in regione vicina sitas.

73. “ Quamquam trium mundorum hostes eradicavit, promissis stat,  
“ atque a jactatione alienus est, tamen, quia sine caussa crudeliter te  
“ tractavit, majori *BHARATÆ* fratri succenseo.